

Gvangjsih raeuz miz goengq bya mizmingz ndeu heuhguh Byacwx.

Byacwx liz Nanzningz Si miz caetcib goengleix gyae, bya raez loegcib goengleix, miz ngeihcib goengleix gvangq, hamj gvaq Sanglinz、Majsanh、Binhyangz caeuq Vujmingz seiq aen yienh.

Byacwx bingzyaenz sang miz cien ngeih mij, goengqbyasoem ceiq sang de heuhguh Lungdouz, miz it cien caet bak lai mij sang, dwg Gveicunghnanz goengq bya ceiq sang ndeu. Va caeuq raemxgienghdat gwnz Byacwx gig okmingz.

Bi 2012 ndwencieng co’ ngux, dou bae youz Byacwx, seizde nit di, hix doek di fwn, daengx goengqbya heux rim mojlox. Miz roen suijniz daj dinbya hwnjbae daengz gwnz dingj, diuzroen van bae van dauq, miz giz gvangq giz gaeb. Laj bya liz gwnz dingjbya gig gyae, byaij sam diemj cung cungj mbouj daengz dingj, haici hwnjbae hix gig sinhoj.

Ngoenzde mbouj miz geijlai vunz bae youz, aiq dwg aenvih dienheiq mbouj ndei, seiqhenz cungj dwg mojlox, dou naengh youq ndaw ci, yawj mbouj raen gijmaz gingjsaek. Gyangroen nanz mbouj nanz raen miz ci roengz bya, gyoengqde aiqdwg haemhlwenz youq gwnz dingjbya youq ba.

Gyangroen miz mbangj dieg ndei youz, dou couh dingz ci roengzdaeuj yawjyawj. Rumz gig hung, bongj ndaej mbawfaex yiengjsasa, dou ngeixnaeuz dwg raemxgienghdat dem.

Gwnz bya miz haujlai faex dijbauj raixcaix, miz mbangj gaenq laux, hix miz mbangj lij oi, moix go-faex gwnzde cungj hoij miz gaiq baiz ndeu, gwnz baiz sij miz gij coh gofaex

sanjvwnz

Youz Byacwx

大明山游记

□ Vangz Siujgenh/黄小娟



caeuq miz gijmaz yungh.

Gwnz dingjbya dwg aen dieg vunz youq ndeu, miz gij gwn miz diegyouq, dwg aen dieg hawj vunz youz yietnaiq caeuq guhcaemz ndei ndeu. Dingjbya miz vunz cawj gijgwn gai, gij byaek haenx dingzlai dwg byaekcwx, gwn hwnjdaeuj gig diemz, gwnz dingj hix miz geij aen dan gai doxgaiq saejdaeuz, lumj nohsez、lwgsawz、soemj、faengxiq caeuq lwgbiek daengjdaengj.

Gwnz dingjbya miz roen doeng daengz gak aen diegyouz. Dou yaek bae yawj raemxgienghdat. Raemx-gienghdat liz dingjbya haemq gyae, diuz roen daj dingjbya doeng bae daengz dieg raemxgienghdat haenx dwg yungh rinbenj caep baenz, miz mbangj guh baenz mbaeklae, miz mbangj lij dwg lingqlangq, vunzyouz hwnjhwnj roengzroengz, yienznaeuz henz miz vezlantz, hoeng, youq gwnz yawj coh laj bae hix roxnyinh gig dwg-

lau.

Bae yawj raemxgienghdat gyang-roen hix miz haujlai dieg ndei youz. Gwnz bya faex gig lai, gij faex haenx cungj dwg baenz yw lai, miz go faexgeq ndeu gaenq miz song bak lai bi lo, gofaexgeq youq dingjbya, nyefaex raemhrwdrwd, yawj hwnjdaeuj lumj aen liengj hung nei, youh lumj boux vunzlaux ginggvaq gig lai saeh ndeu nei.

Gwnz dingjbya miz va gig lai, dingzlai dwg va’in. Bi daengz ndwenseiq ndwenngux, va gwnz bya couh doxciengj doxsoemx hai lo, gyaeundeie dangqmaz. Dingq vunz naeuz, diegguenj Byacwx moix bi cungj youq gwnz Byacwx gawjbanh ciet va’in, yinx baenz cien baenz fanh vunz ndaw guek guekrog daeuj yawj.

Vunz naeuz gwnz Byacwx miz bak lingz bet giz raemxgienghdat, ndawde aen ceiq hung dwg Raemxgienghdat Rienglungz, daih-ngeih dwg Raemxgienghdat Gvigim. Raemxgienghdat Gvigim sang baenz loegcib mij, gyang raemxmboq miz gaiq rin hung ndeu, yawj hwnjbae lumj duzfw nei, gij raemx ndaw mboq yawj hwnjdaeuj miz di ndaem, geizheih lai lo. Ngoenzde hix miz haujlai vunz daengz raemxgienghdat bae ingj siengq, dou hix ingj haujlai siengq guh geiqniemh.

Byacwx aenvih deihsaiq labcab, dienheiq daegbied, doenghgo geq mbouj liux gangj mbouj caenh, goengqbya miz goengq sang goengq daemq, doxca gig hung, ndigah baenz bi seiqgeiq gingjsaek mingzyienj youh miz daegsaek. “Seizcin va, seizhah raemxgienghdat, seizcou fwj, seiz-doeng siet”, coenz vah neix couh dwg gangj hawj Byacwx.

Veiz Gozcingh gig yinx yawj gij gogyaj gofoed, doq yawj doq cam gij daegsingq caeuq gvilwd sengmaj gofoed, lienz gij hamzliengh youjgihci caeuq gij hamzliengh dan、linz、gyaz, de cungj cam ndaej gig cingcuj.

De caeuq song boux lingjdauj diveij yaek lizhai Yungzyen seiz, lienzdaemh daengq gij goengdaeuz ndaw yienh naeuz, gyoengqde au guenj ndei 3000 lai moux naz gofoed bineix seizdoeng cij ndaem haenx, nyinhcaen gyoebcomz gingniemh, daezgung gingniemh caeuq guh boux-buengjiengh hawj hong daengx gih doigvangq gofoed.

Bi 1963 ndwen12, Veiz Gozcingh youq gwnz hoih swcigih Daih Ngeih Gaiq Yinzminz Daibyaui Daihhoih Baez Hoih Daih’ it vanzlij ndaej senj guh swcigih cujsiz. De daibyaui Swcigih Yinzminz Veijyenzvei guh cwngfuj gunghcoz baugau hawj gwnz

hoih seiz, daegbied giengzdiuh au daengx gih hwnjheiq sawq ndaem caeuq doigvangq gofoed. De naeuz: “Ciuq gij gingniemh geij bi neix daeuj gak dieg sawq ndaem caeuq doigvangq haenx, ndaem gofoed le ndaej youq duenh seizgan dinj cix sou ndaej daihliengh bwnh youjgihfeiz, doiq ceng ndaej oklai, yaugoj gig yienhda, daegbied dwg gih raeuz namhding lai, namh byom lai, youjgihci noix, engqgya au ndaem gofoed lo, yienghneix ndaej

gaijndei namh, hawj namh engq biz. Ndigah, wnggai dangq ndaem gofoed dwg hangh hong youqgaenj guh swngchanj nungzyez ndeu daeuj gaem. Gij dieg gaenq miz gingniemh haenx roxnaeuz gij dieg gaenq ndaem baenzgoeng haenx, wnggai miz giva miz yamqdin dwk hwnjheiq doigvangq; gij dieg mbouj sibgvenq ndaem haenx, yaek au hwnjheiq guh sawq ndaem. Raeuz au ceng ndaej youq 7 bi ndawde, guh baenz daengx gih ndaem

gofoed 1000 daengz 1200 fanh moux (baudaengz naz ce ceh). Aen muzbyauh neix ndaej guh baenz ne, gij naz reih ndaw gih raeuz couh ndaej ciemhciemh gaijcauh baenz nazbiz, mizrengz dwk coicaenh nungzyez oklai, gaijbienq gij yiengh oknoix.” Hoihhung daibyaui saemjaeng caemhcai baecin le aen baugau neix, doigvangq ndaem gofoed ne baenz le gij yici caeuq hengzdoengh vunzlai daengx gih.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangjsii Cioz Siengzcoub Liuz Gingliui Cioz Siengzzen hoiz

hoih seiz, daegbied giengzdiuh au daengx gih hwnjheiq sawq ndaem caeuq doigvangq gofoed. De naeuz: “Ciuq gij gingniemh geij bi neix daeuj gak dieg sawq ndaem caeuq doigvangq haenx, ndaem gofoed le ndaej youq duenh seizgan dinj cix sou ndaej daihliengh bwnh youjgihfeiz, doiq ceng ndaej oklai, yaugoj gig yienhda, daegbied dwg gih raeuz namhding lai, namh byom lai, youjgihci noix, engqgya au ndaem gofoed lo, yienghneix ndaej

gaijndei namh, hawj namh engq biz. Ndigah, wnggai dangq ndaem gofoed dwg hangh hong youqgaenj guh swngchanj nungzyez ndeu daeuj gaem. Gij dieg gaenq miz gingniemh haenx roxnaeuz gij dieg gaenq ndaem baenzgoeng haenx, wnggai miz giva miz yamqdin dwk hwnjheiq doigvangq; gij dieg mbouj sibgvenq ndaem haenx, yaek au hwnjheiq guh sawq ndaem. Raeuz au ceng ndaej youq 7 bi ndawde, guh baenz daengx gih ndaem

gofoed 1000 daengz 1200 fanh moux (baudaengz naz ce ceh). Aen muzbyauh neix ndaej guh baenz ne, gij naz reih ndaw gih raeuz couh ndaej ciemhciemh gaijcauh baenz nazbiz, mizrengz dwk coicaenh nungzyez oklai, gaijbienq gij yiengh oknoix.” Hoihhung daibyaui saemjaeng caemhcai baecin le aen baugau neix, doigvangq ndaem gofoed ne baenz le gij yici caeuq hengzdoengh vunzlai daengx gih.